



1913-yil aprel oyidan chiqa boshlagan

Fidoyilik —
Vatanga xizmat demak!

2024-yil 20-aprel, shanba,
47 (23.924)-son

KUN
HIKMATI

Sarob nafs
uchun o'ylab
topilgan. Nafs
jilovlanganda
sarob
tiniqlashaveradi



Munosabatlar yana bir pog'ona ko'tarildi

O'zbek va tojik xalqining birodarligi, hayoti va madaniyati o'xshashligi to'g'risida to'xtalib o'tirish bugun ortiqcha. Bugun hamkorlikda taraqqiyyot yo'llarini izlash, o'zaro aloqalarni yangi bosqichga olib chiqish haqida fikr yuritish, gapirish mumkin.

Zero, Prezidentimiz boshchiligidagi yurtimizda olib borilayotgan tashqi siyosat bunga yo'l ochmoqda, imkon yaratmoqda. 18-19-aprel kunlari davlat tashrifi bilan qo'shni mamlakatda bo'lgan Shavkat Mirziyoyev va birodar xalq rahnamosi tomonidan imzolangan hujjatlar bu borada yangi bosqichni boshlab berishi shubhasiz.

Ma'lumotlarga ko'ra, 2016-yildan buyon mamlakatlar rahbarlari 32-marta uchrashishgan. Shu raqamning o'ziyoq munosabatlar qanchalik yaqinlik kasb etayotganini ko'rsatib turibdi.

Prezidentimizning bu galgi tashrifi chog'ida ittifoqchilik munosabatlari to'g'risida tarixiy shart-noma imzolandi. Ushbu hujjat, shu bilan birga biznes-forum, ikki mamlakat rasmiy delegatsiyalari ishtirokida kengaytirilgan tarkibda davom etgan muzokaralar o'zaro aloqalarning yangi bosqichga chiqayotgani, ko'lami va samarasi yanada kengayib borishining yaqqol isboti bo'ldi, deyish mumkin.

Mohiyatan Prezidentlar sa'y-harakatlar, imkoniyatlar va salohiyatni maksimal birlashtirgan holda va barcha mavjud to'siqlarni olib tashlab, hamkorlikning yangi davriga asos soldi.

Albatta, tashrif manfaatli kelishuvlarga boy bo'ldi. Misol uchun, suv-energetika sohasidagi hamkorlikka alohida e'tibor qaratildi. Suvdan foydalanish masalalarida konstruktiv va o'zaro manfaatli muloqotni davom ettirish masalalari muhokama qilindi. Transchegaraviy suv resurslaridan birgalikda foydalanish sohasida konstruktiv hamkorlikni davom ettirishga tayyorlik bildirildi.

Umuman, tashrif davomida O'zbekiston bilan Tojikiston o'rtasidagi ko'p qirrali hamkorlikning deyarli barcha yo'nalishlarini qamrab oluvchi 28 ta hujjat imzolandi.

Xo'sh, bundan nima manfaat bor, degan savol tug'ilishi mumkin. Rejalarni qo'yib, amalga oshirilgan ishlarga nazar solsak, hamkorlikning samarasi-ni anglash qiyin emas.

Misol uchun, 2021-yildan «Toshkent – Dushanbe – Toshkent» muntazam parvozlar, 2022-yildan «Samarqand – Dushanbe», «Panjikent – Samarqand» xalqaro avtobus qatnovlari tiklandi. Nazarimda bu ishlar mohiyati, ahamiyati haqida to'xtalishga hojat yo'q.

Bundan tashqari, Panjikent – Bulung'ur/Jomboy uchastkasida temir yo'l qurilishi va O'zbekiston-Tojikiston-Xitoy transport yo'lagini rivojlantirish masalasi ishlab chiqilayotgani iqtisodiyotga, odamlar turmush farovonligiga qanchalik katta hissa qo'shishini tushunish qiyin emas.

Darvoqe, yana bir gap. 2022-yil iyun oyidan boshlab tomonlar 320 MVt quvvatga ega ikkita GES qurilishiga kirishdilar: Zarafshon daryosidagi Yovon va Fandaryo daryosi (Zarafshon daryosining chap irmog'i)dagi GES shular jumlasidandir. Ishlab chiqarilgan 1,4 milliard kVt/s elektr energiya ikki mamlakat ehtiyojlari uchun paritet asosida yetkazib beriladi. Rog'un GES kabi yirik loyihalar doirasidagi hamkorlikda ishlar olib borilmoqda. Bu loyiha O'zbekiston va Tojikiston elektr tarmoqlarining ishonchligini oshirishga xizmat qilishi shubhasiz.

Xitoy-Tojikiston-O'zbekiston-Turkmaniston-Eron-Turkiya-Yevropa transport yo'nalishini amalga oshirish doirasida tomonlarning yaqin hamkorligini chuqurlashtirish dolzarbligi ortib bormoqda. Bu Toshkent va Dushanbega Yevropa (Tojikiston-O'zbekiston-Turkmaniston-Kaspiy), Janubiy Osiyo (Tojikiston-O'zbekiston-Afg'oniston-Pokiston-Hindiston) va Yaqin Sharq (Tojikiston-O'zbekiston-Turkmaniston-Eron-Fors ko'rfazi) yo'nalishlariga chiqish bilan o'zining tranzit yo'laklarini diversifikatsiya qilish imkonini beradi.

Demak, birodarlarimiz bilan munosabatlarning chuqurlashuvi ikki tomonning ham barqaror rivojlaniishi uchun yangi istiqbollarni ochishi tayin.

O'ktam SAIDMURODOV,
xalq deputatlari viloyat Kengashi deputati.

Amaliy tashrif bilan mamlakatimizga kelgan Koreya Respublikasining Chungcheongbuk-do provinsiyasi gubernatori Kim Yon Xvan boshchiligidagi delegatsiya Samarqandda bo'ldi. Viloyat hokimi Erkinjon Turdimov bilan uchrashuvda mintaqaviy hamkorlikni yanada rivojlantirish va do'stona munosabatlarni mustahkamlashga e'tibor qaratildi.

E.Turdimov bugungi kunda Samarqand viloyatida Koreya kapitali ishtirokida 30 ta korxona faoliyat yuritayotganini ta'kidlab, ular sonini yanada oshirish imkoniyatlarini mavjudligini qayd etdi. Jumladan, Chungcheongbuk-do provinsiyasining elektromobillar uchun akkumulyatorlar, quyosh batareyalari va modullar ishlab chiqarish, biofarmatsevtika, kosmetika va yarimo'tkazgichlar sanoatida tajribasi kattaligini inobatga olib, ushbu yo'nalishlarda ikki tomon tadbirkorlarning hamkorligini yo'lga qo'yish, birgalikda loyihalarni amalga oshirishni taklif etdi.

Kim Yon Xvan bu takliflarni qo'llab-quvvatlashini bildirib, o'zaro hamkorlik istiqbollari yuzasidan fikrlarini bayon etdi. Xususan, Samarqand viloyatidagi yoshlarining Chungcheongbuk-do provinsiyasidagi oliy o'quv yurtlarida ta'lim olish va mehnat qilishi uchun imkoniyat yaratib berilishi, shuningdek, tibbiy turizm, qishloq xo'jaligida sun'iy intellekt yordamida mahsulot yetishtirishda hamkorlikni yo'lga qo'yishga tayyorligini bildirdi.

Uchrashuv yakunida tomonlar qayd

Yoshlarga Koreyada o'qish va ishlash imkoniyati yaratiladi

etilgan yo'nalishlarda hamkorlikni yo'lga qo'yishga kelishib oldilar.

Shundan so'ng koreyalik mehmonlar Samarqand shahridagi "Zarmed" xususiy klinikasiga tashrif buyurib, aholiga zamonaviy tibbiy xizmat ko'rsatish bo'yicha fikr almashishdi. Shuningdek, KOIKA tomonidan tashkil qilingan kasb-hunar ta'lim markazi faoliyati bilan yaqindan tinishdilar.

Tashrifning ikkinchi kuni delegatsiya a'zolari "Ipak yo'li" turizm va madaniy meros xalqaro universitetida bo'ldi. Universitet professor-o'qituvchilari va talabalar bilan o'tkazilgan muloqot davomida Chungcheongbuk-do provinsiyasidagi ta'lim-tarbiya jarayonlari, hududdagi oliy ta'lim muassasalari, ularning faoliyati, mehnat sharoitlari xususida batafsil ma'lumotlar berildi.

Chungcheongbuk-do provinsiyasi gubernatorining xalqaro masalalar bo'yicha maslahatchisi Li Yon In xonim, Jungvon universiteti rektori janob Xvan Yun Von hamda Semyung universitetining xalqaro aloqalar bo'limi direktori janob Chjon Ki Sinning taqdimotlari talabalarda katta qiziqish uyg'otdi.

– Koreya yuqori texnologiyalarga asoslangan iqtisodiyoti bilan tez suratlarda rivojlanib borayotganligi barchaga ma'lum, – deydi Chungcheongbuk-do provinsiyasi gubernatori Kim Yon Xvan. – Tabiiyki, iqtisodiyot, sanoatning rivojlanishi ishchi kuchiga bo'lgan yuqori talabni yuzaga keltiradi. Bizning provinsiyamiz ham Koreyaning sanoat sohasidagi ulkan



imkoniyatlarga ega hududlaridan biri hisoblanadi. O'zbekiston yoshlari yuksak salohiyati bilan alohida ajralib turadi. Tashrifimizning asosiy maqsadi xorijda ta'lim olish istagidagi yoshlarni yurtimizga, xususan, Chungcheongbuk-do provinsiyasidagi oliy ta'lim muassasalari bilan bog'liq muammolarini hal qilish, samarali monitoringni yo'lga qo'yish maqsadida tashkil etilgan. O'zbekiston respublikasi iqtisodiyotdagi o'rni" mavzusida "ConFEAS-2024" xalqaro anjumani bo'lib o'tdi.

ro fikr almashdik. Jumladan, Samarqand shahri va Chxonju shaharlari o'rtasida to'g'ridan-to'g'ri aviareyslarni yo'lga qo'yimoqchimiz. Bu amalga oshsa, o'zaro hamkorligimiz yanada rivojlanadi. Chunki, bizning provinsiyamizda ham turizm yaxshi rivojlangan. Samarqand ham turizm shahri. Turizm sohasida ham manfaatli aloqalarni o'rnatish mumkin.

Uchrashuv yakunida "Ipak yo'li" turizm va madaniy meros xalqaro universiteti hamda Koreyaning Jungvon, Semyung, Chungbuk sog'liqni saqlash va fan universitetlari o'rtasida "K-International Student Program" bo'yicha anglashuv memorandumlari imzolandi.

Alisher ISROILOV.

Samarqand viloyati hokimining QARORI

Xalq deputatlari viloyat Kengashining oltinchi chaqiriq to'qson sakkizinchi sessiyasini chaqirish to'g'risida

"Mahalliy davlat hokimiyati to'g'risida"gi O'zbekiston Respublikasi Qonunining 17-moddasiga asosan
QAROR QILAMAN:

1. Xalq deputatlari viloyat Kengashining oltinchi chaqiriq to'qson sakkizinchi sessiyasi **2024-yil 26-aprel kuni** chaqirilsin.

2. Sessiya kun tartibiga quyidagi masalalar kiritilsin:

- O'zbekiston Respublikasi Prezidentining 2023-yil 23-oktabrdagi "Ichimlik suv ta'minoti va oqova suv tizimini yanada takomillash-tirish bo'yicha qo'shimcha chora-tadbirlar to'g'risida"gi PQ-343-son qarorining viloyatdagi ijrosi yuzasidan "Samarqand suv ta'minoti" mas'uliyati cheklangan jamiyati direktori K.Yusupovning hisoboti;
- O'zbekiston Respublikasi Oliy Majlisining Inson huquqlari bo'yicha vakili (Ombudsman)ning mintaqaviy vakili D.Husanovning 2023-yilda amalga oshirilgan ishlar to'g'risida axboroti;
- hududlarda maishiy chiqindilarni to'plash va olib chiqib ketish bo'yicha xizmat ko'rsatish uchun majburiy to'lov tariflari miqdorini

Viloyat hokimi

2024-yil 19-aprel

E.TURDIMOV

O'tmishda Samarqandda birjaning ilk ko'rinishlari bo'lgan

Samarqand shahrida "Bozor infratuzilmasi va vositachilarning iqtisodiyotdagi o'rni" mavzusida "ConFEAS-2024" xalqaro anjumani bo'lib o'tdi.

Yurtimizda ilk bor o'tkazilgan xalqaro birja anjumani Yevroosiyo fond birjalari federatsiyasi (FEAS) va "O'zbekiston respublika tovar-xomashyo birjasi" aksiyadorlik jamiyati tomonidan "Toshkent" respublikalik fond birjasi, O'zbekiston Respublikasi Iqtisodiyot va moliya vazirligi, Istiqbolli loyihalar milliy agentligi va Raqobatni rivojlantirish va iste'molchilar huquqlarini himoya qilish qo'mitasi hamkorligida tashkil etildi.

Unda dunyoning 20 dan ortiq mamlakatidan kelgan yetakchi xorijiy tovar, fond va valyuta birjalari, kliring tashkilotlari, markaziy depozitariylar, tijorat banklari, investitsion kompaniyalar, dasturiy yechimlar provayderlari va IT-kompaniyalar,



xalqaro moliyaviy va konsalt-ing tashkilotlarining 200 dan ortiq vakillari ishtirok etdi.

Yevroosiyo Fond birjalari federatsiyasi (FEAS) 1995-yil

da a'zo davlatlar birjaralining rivojlanishiga ko'maklashish, ularning tarkibiy tuzilmasini takomillashtirish, brokerlar va dilerlarni tartibga solish va o'z-o'zini boshqarish mexanizmlari bilan bog'liq muammolarini hal qilish, samarali monitoringni yo'lga qo'yish maqsadida tashkil etilgan. O'zbekiston respublikasi tovar-xomashyo birjasi 2020-yildan buyon federatsiya a'zosi hisoblanadi.

Federatsiyaning bu galgi anjumani jahon birjalari industriyasi rivojlanishining so'nggi tendensiyalari va istiqbollari, birja savdolarini o'tkazishda nazorat va innovatsiyalarning o'rni, zamonaviy kapital bozorlaridagi muammolar va imkoniyatlarni muhokama qilish hamda sohaning yetakchi ekspertlari o'rtasida o'zaro tajriba almashishga qaratilgani bilan ahamiyatli bo'ldi.

Tadbirning ochilish marosimida "O'zbekiston respublikasi tovar-xomashyo birjasi" AJ boshqaruvchi raisi Ziyoviddin Badriddinov mamlakatimizda ilk bor o'tkazilayotgan xalqaro

jalararo hamkorlikni kengaytirish uchun samarali maydon ekanligini ta'kidladi.

– Mazkur anjumaning qadimiy Buyuk ipak yo'lining chorrahasida joylashgan Samarqandda o'tkazilishi bejiz emas, – dedi Z.Badriddinov. – Chunki mazkur shahardagi karvonsaroylar, valyuta ayirboshlash maskanlari, bozorlar bugungi birjalarning tarixiy shakllari bo'lgan. Bugun esa biz bu qadimiy kentda davlatlar iqtisodiyoti va o'zaro iqtisodiy hamkorligida, xalqaro munosabatlarda muhim o'ringa ega bo'lgan birja faoliyatini yanada takomillashtirish borasida fikr almashib turibmiz. Bu rivojlanish yo'lidagi umumiy qarashlarimizni birlashtiradi. Bugungi kunda O'zbekistonda iqtisodiyotni liberallashtirishga katta e'tibor qaratilmoqda. Bu boradagi islohotlar natijasida so'nggi yillarda yalpi ichki mahsulot hajmi 1,5 barobar oshdi, 2030-yilgacha esa 2 barobar oshirish ko'zda tutilgan. Ushbu maqsadga erishishda bizning tovar xomashyo birjamiz ham faol ishtirok etmoqda.

Yevroosiyo Fond birjalari federatsiyasi bosh kotibi Konstantin Saroyan O'zbekistonda ilk bor o'tkazilayotgan forum yuksak saviyada tashkil etilgani uchun tashkilotchilarga minnatdorlik bildirib, O'zbekistondagi iqtisodiy o'zgarishlar, islohotlarni e'tirof etdi.

Forumning panel muhokamalarida moliya bozori infratuzilmalarining arxitekturasini, kapital bozorlarining rivojlantirish tendensiyalari va muammolari, bozorlarni tartibga solish masalalari, muqobil birja vositalari va texnologiyalari, moliyaviy vositachilik, kliring va risk-meneyjment, ESG boshqaruvi va investorlar bilan aloqalar kabi mavzular keng muhokama qilindi.

«Ipak yo‘li» turizm va madaniy meros xalqaro universiteti qoshida-gi Art-Rezidensiyada Sharja amirligining arxeologik topilmalar ko‘rgazmasi ochildi.

Tadbirida O‘zbekiston Respublikasi Ekologiya, atrof-muhitni muhofaza qilish va iqlim o‘zgarishi vaziri Aziz Abduhakimov, BAA Sharja amirligi hukumati ijrochi rai-si Shayx Fahim ibn Sulton Ol Qosimiy, Sharja arxeologiya boshqarmasi bosh direktori Eisa Yusuf, BAA delegatsi-yasi vakillari hamda mahalliy mutaxassislar ishtirok etib, ko‘rgazma ikki davlat o‘rtasi-dagi madaniy aloqalarni mus-tahkamlash, tajriba almashish va madaniy meros sohasida ilmiy tadqiqotlar olib borishga xizmat qilishini ta’kidladi.

- Sharja qadimiy tarixga ega, - dedi Aziz Abduhakimov. - Bu hududdan ko‘plab eksponatlar topilgan. Ahamiyatli tomoni shun-daki, bu topilmalarning 80 foizi

Sharja amirligining arxeologik topilmalar ko‘rgazmasi



ilk bor O‘zbekistonda namoyish etilmoqda. Ko‘rgazmadan Ara-biston va Markaziy Osiyo o‘rtasi-dagi munosabatlar tarixi hamda Sharja Amirligining neolit davri-

dan Islomgacha bo‘lgan davriga oid 170 dan ortiq arxeologik topilmalar o‘rin olgan.

Shayx Fahim ibn Sulton Ol Qosimiy esa O‘zbekiston va

Birlashgan Arab Amirliklarining tarixi, madaniyati bir-biriga juda yaqin ekanligi hamda eks-ponatlarining ahamiyati haqida gapirdi.

- Sharja amirligi arxeologik topilmalari ko‘rgazmasining aynan O‘zbekistonda ochil-gani o‘ziga xos ahamiyatga ega, - dedi u. - Negaki ikki davlatning madaniyati, tarixi, e’tiqodi mushtarakligi bilan ajralib turadi. - Jumladan, Sa-marqand Buyuk ipak yo‘lining markazida joylashgan bo‘lib, u nafaqat tovarlar, balki g‘oya-lar almashinuvi maskanidir. Sharja amirligi hududi dengiz ipak yo‘lida joylashgan bo‘lib, qadimdan bir tomondan Gret-siya va Rim, ikkinchi tomondan Hindiston, Markaziy Osiyo va Xitoy o‘rtasida ko‘prik bo‘lgan. Sharja arxeologiya boshqarma-si tomonidan qazib olingan va topilgan arxeologik materiallar-ni Samarqandga olib kelinishi Arabiston va Markaziy Osiyo o‘rtasidagi munosabatlar tarixini ham ko‘rsatadi.

Ko‘rgazma 22-aprelgacha davom etadi.

F.RO‘ZIBOYEV.

Samarqandda qancha aholi internetdan foydalanyapti?

“O‘zbektelekom” aksiyadorlik kompani-yasi aholiga qulaylik yaratish maqsadida optik tolali aloqa tarmoqlarini qurish, keng polosali ulanish portlarini o‘rnatish va xizmatlar ko‘lamini kengaytirish ishla-rini davom ettirib kelmoqda.

Xo‘sh, bugungi kunda viloyatimiz aholisining necha foizi internet tarmog‘iga ulangan? Eski tarmoqlarni zamonaviy optik tolali liniyalarga al-mashtirish qanday kechmoqda? Aholiga yengillik berish maqsadida o‘tkazilayotgan aksiyalarning natijasidan ko‘ngil to‘ladimi?



- Viloyatimiz hududida 4957 kilometr optik to-lali aloqa liniyalari qurilib, umumiy uzunligi 22254 kilometrqa yetkazildi va internetdan foydalanu-vchilar soni 122 ming nafardan oshdi, - deydi “O‘zbektelekom” aksiyadorlik kompaniyasi Sa-marqand filiali direktori o‘rinbosari Javohir Ori-fiy Matbuot uyida bo‘lib o‘tgan jurnalistlar bilan uchrashuvda. - Yuqori tezlikdagi internet xizmat-larini ko‘rsatishga mo‘ljallangan qurilmalarning umumiy sig‘imi 101998 ta portgacha oshirildi. Viloyatdagi mahalla va qishloqlarning 95,2 foizi optik tolali aloqa liniyalari bilan qamrab olindi. Bir yil ichida qariyb 68 ming iste‘molchi telekommunikatsiya xizmatlariga ulandi.

Joriy yilning o‘tgan davrida 1254 kilometr optik tolali aloqa liniyalari qurilib, 12 ta aholi gavjum maskanlarda Wi-Fi zonalarini tashkil etildi.

- Hozirda Samarqand shahar aholisining 67,4 foizi internet tarmog‘iga ulangan bo‘lib, bu ko‘rsatkich yil yakunigacha 90 foizdan os-hadi, - deydi kompaniyaning Samarqand sha-har telekommunikatsiyalar bog‘lamasi boshlig‘i O‘.Qo‘shboqov. - Joriy yilda 167 kilometr optik tolali aloqa liniyalari qurilib, ularning uzunligi 1487 kilometrqa yetkazildi. Shuningdek, yil oxirigacha yana 414 kilometr optik tolali aloqa tarmog‘i tor-tish va Yagona savdo ofisini tashkil etish ko‘zda tutilgan.

Mis tolali aloqa liniyalarini optik tolaliga o‘tka-zish bo‘yicha ham ishlar bosqichma-bosqich davom etmoqda.

“O‘zbektelekom” aksiyadorlik kompaniyasi tomonidan uyushtirilayotgan aksiyalar doirasida aholining internetga ulanishini tezlashtirish maq-sadida 1090 qisqa raqami orqali murojaat qilish mumkin bo‘ladi. Va bir kun ichida yangi ulanuv-chining texnik imkoniyatlari o‘rganilib, tarmoqqa ulanadi. Yangi ulanayotgan abonentlar uchun ma‘lum shartlar asosida modem qurilmasi va 100 metrgacha optik tolali abonent kirish simlari bepul taqdim etilmoqda. Tariflar nafaqat yuqori tezlikdagi internet, balki bepul IP-telefoniya va IP-TV xizmatlarini ham o‘z ichiga oladi.

Dilmurod TO‘XTAYEV.



“Kitobxonlik haftaligi”ga marhamat!

Viloyat axborot-kutubxo-na markazida joriy yilning 22-26-aprel kunlari “Kitob-sevar millat” shiori ostida IV Respublika “Kitobxonlik haftaligi” bo‘lib o‘tadi.

Haftalik doirasida turli uchrashuvlar, talaba-yoshlar, kor-xona, tashkilot xodimlari o‘rtasida intellektual va viktorina o‘yinlari tashkil etiladi. Shuningdek, Mu-hammad Yusuf tavalludining 70 yilligiga bag‘ishlangan “Qalamidan oltin, dur to‘kilgan shoir” nomli adabiy kecha o‘tkaziladi.

Bundan tashqari, shoira Zuhrabe-gim Eshonqulovanning “Ulug‘bekning nurlil nigohi” nomli asari taqdimoti, sahna asarlar namoyishi, musiqali badiiy kechalar rejalashtirilgan.

Haftalik doirasida “Sevimli ku-tubxonamga kitob sovg‘a qilaman” aksiyasi, kutubxona bo‘ylab sayohat va kitob ko‘rgazmalari tashkil qilina-di.

Barcha samarqandliklarni kitob-xonlik haftaligida faol ishtirok etish-ga chorlaymiz.

Zebuniso SHODIYEVA,
viloyat axborot-kutubxona
markazi direktori.

Kommunal xizmat xodimlari sharaflandi

Viloyatimizda uy-joy kommunal xizmat ko‘rsatish sohasi xodimlari kuni keng nishonlandi. Sana munosabati bilan viloyat qurilish va uy-joy kommunal xo‘jaligi bosh boshqarmasida bo‘lib o‘tgan tadbirida viloyat hokimligi, viloyat qurilish va uy-joy kommunal xo‘jaligi bosh boshqarmasi va boshqa tashkilotlar mas‘ullari, soha xodim-lari ishtirok etdi.



- Yurtimizni obod va saranjom maskanga aylantirishda kom-munal soha xodimlarining ham hissasi katta bo‘lmoqda, - deydi viloyat qurilish va uy-joy kommunal xo‘jaligi bosh boshqarmasi bosh-lig‘i o‘rinbosari Bahodir Negmatov. - Bugungi kunda viloyatdagi 2300 dan ortiq ko‘p qavatli uylardagi qariyb 84 mingga yaqin xonadonga 43 ta boshqaruv servis kompani-

yalari va 16 ta uy-joy mulkdorlari shirkatlari kunu tun xizmat ko‘rsa-tib kelmoqda. Xodimlarimiz o‘z vazifalarini fidoyilik bilan to‘la-to‘kis bajarib kelishmoqda.

Tadbirida o‘zining fidokorona mehnati bilan aholiga munosib xiz-mat ko‘rsatib kelayotgan bir guruh soha fidoyilariga boshqarmaning esdalik sovg‘alari topshirildi.

D.O‘TAMURODOV.

Yaqin o‘tmishimizda paxta yetishtirish odamlarning aso-siy daromad manbai edi. Sobiq ittifoq davridan qolgan bu an‘anaga yangi davrda butunlay chek qo‘yildi: chigit ekish, g‘o‘za parvarishlash, yetishtirilgan hosilni yig‘ib olishga aholi ommaviy jalb qilinmaydigan bo‘ldi. Ammo bu bilan qimmatli xomashyoga e’tibor susaygani yo‘q. Endi yetishtirish va yig‘ib olish dehqonning o‘ziga qo‘yib berilib, hosilni qayta ishlash, qo‘shimcha qiymat yaratish choralari ko‘rilyapti.

Qadalayotgan chigitning 10 FOIZI XORIJNIKI.

Nega?



Bu yangilik o‘zini oqlaydimi?

BUNDAN NIMA NAF?

Amalga oshirilgan islohotlar natijasida to‘qimachilik barcha hududlar-da keng tarqalgan va aholini eng ko‘p band qilgan salohiyatli sanoat tar-mog‘iga aylandi. Yurtimizda 6 mingdan ziyod korxonada 570 ming kishi ish bilan ta‘minlangan.

Davlat rahbari ishtirokidagi yig‘ilishda bu raqam qayd etilishi barobarida, viloyatimizda ushbu yo‘nalishdagi ishlar ham e’tirof etildi. Xususan, Samarqand shahridagi “Zarafshon tekstil” fabrikasi 11 ta hududiy filial ochgan. Buning afzalligi shundaki, ortiqcha vaqt va xarajat qilib, yangidan standart joriy qilish yoki sertifikat olish shart emas. Shu bois bu amaliyotni kengaytirish zarurligi ta’kidlandi.

“Boston Consulting Group” xulosasiga ko‘ra, bizdagi xomashyo bilan kami-da 15 milliard dollarlik mahsulot ishlab chiqarish, yana 500 mingta yangi ish o‘rni yaratish imkoniyati bor.

To‘qimachilik korxonalari uchun eng muhim masalalardan biri bu – xo-mashyo. Mamlakatimizda 1 million 300 ming tonna to‘lani qayta ishlash quvva-ti bor. Lekin hozirda 1 million tonnaga yaqin tola tayyorlanmoqda. Shu bois paxta yetishtirish tannarxini kamaytirish va hosildorlikni oshirish zarur.

BUNING UCHUN YANGI TIZIM QILINDI

Joriy yil hosilidan boshlab fermerlar va klasterlarga paxta xomashyosi-ni yetishtirish va yakuniy hisob-kitoblari uchun Qishloq xo‘jaligini qo‘llab-quv-vatlash jamg‘armasi mablag‘lari hisobidan kreditlar ajratishning yangi tizimi joriy etiladi. Ajratilgan kredit mablag‘lari hisobidan agrotexnik tadbirlar doirasi-da tovarlar, ishlar va xizmatlar, shu jumladan, moddiy resurslar yetkazib beruvchilar fermer xo‘jaliklari va klasterlar tomonidan ixtiyoriy tanlanadi. Kredit buyurtmalari to‘liq elektron shaklda taqdim etiladi.

2024-yil hosili uchun viloyatimizda 73246 gektar maydonda g‘o‘za navlari ekish rejalashtirilgan. Buning uchun 4401 tonna urug‘lik chigit talab etiladi. G‘o‘za navlarining iqlim sharoitiga mos 4 ta ertapishar hamda 5 ta istiqbolli va yangi navini ekish ko‘zda tutilgan.

Bugungi kungacha viloyat bo‘yicha mavjud 4 ta urug‘lik chigit tayyorlash sexlari to‘liq ishlashi uchun barcha zarur choralar ko‘rilgan. Xususan, urug‘lik chigitni qadoqlash uchun yetarli miqdorda qop va yorliqlar, kimyoviy vosi-talar zaxirasi yaratilgan.

HOSILDORLIKNI OSHIRISH UCHUN-CHI?

Bugungi kunda viloyatimizda paxta hosildorligi gektaridan 35-45 sentnergacha bo‘lmoqda. Bunday holat rentabellikni oshirish va mavjud quvvatlarni xomashyo bilan to‘liq ta‘minlash imkonini bermayapti. Boshqa-cha aytganda, mavjud hosildorlik bilan yangi ish o‘rni va ko‘proq qo‘shimcha qiymat yaratib bo‘lmayapti.

Ushbu yo‘nalishda ham davlatimiz rahbari yechimni ko‘rsatib berdi. Jumladan, paxta-to‘qimachilik klasterlari va fermer xo‘jaliklari tomonidan g‘o‘za navlarini joy-lashtirishda kafolatlangan urug‘ ta‘minotiga muvofiq erkinlik berilmoqda.

Bundan tashqari, paxta yetishtiriladigan maydonlarning 10 foiziga tajriba-sinov tariqasida xorijiy paxta navlarini ekishga ruxsat berildi. Buning uchun viloyatimizda xorijiy davlatlardan 220 tonna urug‘lik chigit import qilish rejalashtirilgan.

Past Darg‘om, Payariq, Narpay va Kattaqo‘rg‘on tumanlarida ming gek-tardan ziyod maydonga xorijiy chigit navlari qadaladi. Paxtachil, Ishtixon va Oqdaryo tumanlarida ham 600 gektardan kam bo‘lmagan yerda shunday sinov o‘tkaziladi.

IMPORT URUG‘ QIMMAT EMASMI?

Xorijdan olib kiriladigan paxta navlari uchun alohida agrotexnika va soddalashtirilgan karantin talablari joriy etilib, ushbu navlarni yetishti-rish maxsus karantin kuzatuvida va Paxtachilik kengashi ilmiy ko‘rsatmasi asosida olib boriladi.

Endi sarlavhadagi savolga kelsak. Rost, xorijning urug‘lik chigit narxi mahalliy navlarnikiga nisbatan baland. Misol uchun, Turkiyadan keltirilayot-gani kilogrammi 40 ming so‘m, Xitoyniki 65 ming so‘m atrofida bo‘lmoqda. Mahalliy navlarni esa 20 ming so‘m atrofida xarid qilish mumkin.

Gektariga 25 kilogramm chigit qadalishini hisobga olsak, dehqon import urug‘lik chigit uchun (1 million 625 ming – 500 ming so‘m) 1,1 million so‘mdan ko‘proq ortiqcha xarjat qilyapti.

Ammo yuqorida aytdik, shu paytgacha gektaridan 35-45 sentner paxta yig‘ishtirgan fermer yerga import urug‘lik chigit qadasa, 100 sentnergacha paxta yetishtirishi mumkinligi aytilmoqda. U kutilgandek samara bermasa ham dehqon 75-80 sentner hosil olish imkoniga ega bo‘ladi.

Shuning o‘ziyoq qilingan xarajat 4-5 barobar oshig‘i bilan chiqarib olini-shini bildiradi.

Darvoqe, fyuchers shartnomasi (klaster bilan kelishuv)dan ortiq ye-tishtirilgan paxta xomashyosini fermer xo‘jaliklari birja orqali istalgan subyektaga sotishi mumkin.

Bahodir SULAYMONOV,
Urug‘chilikni rivojlantirish markazi
viloyat boshqarmasi boshlig‘i.

Har bir insonda yaxshi va yomon fazilatlar aralash bo'ladi. Oilaviy tarbiyasi va egallab turgan mansabiga ko'ra fazilatlarining ba'zilari ustunlik qiladi. Iymonli, vijdonli, oriyatli va farosatli oilada o'sgan farzandda ijobiy axloqiy fazilatlar salbiylaridan ancha ustun turadi.

Farzand hech qachon vijdotsiz, o'g'ri, yolg'onchi, firibgar, mutaham va boshqa nomunosib axloq-sifatlar bilan dunyoga kelmaydi. Bunday salbiy illatlarni u eng avval oilasida ota-onasidan, keyin esa atrofdagilardan o'rganadi. Xalqimizda "Yaxshidan yomon chiqibdi desa, kuyunma, u ham tortar nasliga. Yomondan yaxshi chiqibdi desa, suyunma, u ham tortar nasliga", degan maqol bor.

Qurbaga tuxumidan chiqqan itbalig'ning dumi bo'ladi. Vaqt o'tishi bilan baliq baqaga aylanadi va dumi yo'q bo'lib ketadi. Korruptsiyaga moyilligi bo'lib ayrim insonlarda ham mansabni egallashi bilan bir qator insoniy sifatlar yo'q bo'lib ketadi: ularda vijdon, oriyat, adolat, farosat sifatleri vaqt o'tishi bilan xuddi it-baliqning dumi yo'q bo'lganday izsiz ketadi. O'rniga haromxo'rlik, vijdon-sizlik, beorlik, firibgarlik, laganbardorlik, hasad, takabburlik, xudbinlik, ikkiyuzlamachilik, ochko'zlik va boshqa salbiy sifatlar tomir otadi.

Ideal odamlar yo'q, lekin har bir inson atrofdagi dunyo o'zgarishi kabi o'z ustida ishlashi, o'zining axloqiy va insoniy xulq-atvorini yaxshilashi kerak. Fe'lida salbiy xususiyat ustun bo'lgan insonni "yomon" odam deb atashadi. Deyarli har doim yaxshi sifatlarga ega bo'lgan odamlar ularni o'z doirasiga yaqinlashtirmaydi. Chunki "yomon" kishi bilan muloqotda bo'lgan vijdonli inson katta ma'naviy va ruhiy zarar ko'radi.

Tahlillarga ko'ra, hasad farzandga ota-onasidan o'tadi yoki

KORRUPTIONERNING PSIXOLOGIK PORTRETI

yoxud hasaddan qutulish uchun nima qilyapsiz?

insonning go'daklik chog'ida oila davrasida tomir otishni boshlaydi. Bu illat virusi bilan zararlanmagan odam yo'q.

Chunki insoniyat tarixida hasad Odam Atoning o'g'li Qobildan qolgan eng razil va pastkash sifatlardan biri. Rivoyatga ko'ra, aynan hasad tufayli Odam Atoning o'g'li Qobil o'z ukasi Hobilni o'ldirgan. Bu insoniyat tarixida hasad oqibatida yuz bergan birinchi qotillik bo'lgan. Shu sababli allomalar "Hasad - biron tanishining, hamkasbining yoki yaqin qarindoshining muvaffaqiyati, yutug'i uchun tutilgan azadir", deb ta'rif berishgan.

Korruptsioner ham hasad tufayli shu ko'rinishga kelgan. Chunki iymoni zaif bu badbaxd Allohning taqsimiga rozi bo'lmay, boshqa bir insonning erishgan ne'matlariga hasad qiladi.

Yoningizga boqing: hasadchi insonlar nafsning quli bo'lishadi. Ularning asosiy maqsadi barcha lavozimlarga, moddiy va ma'naviy boyliklarga faqat ular erishishlari kerak. Shuning uchun ularning miya faoliyati ertadan kechgacha shu vazifani bajarishga ishlaydi. Masalan, vijdotsiz, oriyatsiz va farosatsiz korruptsioner - hasadgo'ylar, o'zlariga judayam yuqori baho berib, yuqori pog'onalarni egallashga, orlari va medallar olish uchun o'zlarining eng pastkashlik sifatlarini ishga solishadi.

Hasadning bir necha sabablari bor.

Birinchidan, dushmanlik va yomon ko'rish. Bu hasadning eng kuchli sabablaridan biridir. Ikki kishi biror sababga ko'ra urishib qolishlari va oralarida kelishmovchilik chiqib, bir-birini yoqtirmay qolishlari mumkin. G'azabi chiqqan odam o'zining dushmaniga nisbatan qalbidagi kek

saqlab qolsa, u hasadga aylanadi. Dushmaniga o'zi yetkaza olmagan zararni zamondan kuta boshlaydi. Agar dushmaniga biror yomonlik yetsa, xursand bo'ladi, menga yomonlik qilgani uchun Xudo uni jazoladi, deydi.

Mabodo dushmaniga ne'mat yetsa, uning maqsadiga teskari bo'lgani uchun xafa bo'ladi.

Ikkinchidan, ba'zi odamlarda boshqaning o'zidan ustun bo'lishini ko'ra olmaslik odati bo'ladi. Odatda birovni o'zidan past sanab, uni odam o'rnida ko'rmay, nazar-pisand qilmay yurgan kimsa shunday bo'ladi. O'sha odam doim unga qaram bo'lishini va yalinib turishini istaydi. Birdan qarasa, haligi odamga ne'mat yetibdi. Hasadchining xayoli boshidan uchib, o'zini qo'ygani joy topolmay qoladi.

Uchinchidan, mutakabbir odamlar o'zidan past sanalgan kishilarni doimo masxara qilib, yerga urib, oldilarida maqtanib, sal narsaga kerilib yurgan bo'ladilar. Shuning uchun ularidan past odamlarga ne'mat yetganiga chiday olmay, hasad qiladi.

To'rtinchidan, maqsadiga erisholmay qolishdan qo'rqish. Bu holat bir maqsadga erishish uchun harakat qilayotgan shaxslar orasida bo'ladi. Ulardan biri ko'zlangan maqsadga erishish yo'lida ne'matga sazovor bo'lsa, boshqasi hasad qiladi.

Beshinchidan, mansabparastlik va shuhratparastlik. Bunga ma'lum bir sohada tengi yo'q bo'lishni orzu qilgan shuhratparast kimsa misol bo'ladi. Agar unga dunyoning narigi burchagida senga teng keladigan odam chiqibdi, deyilsa, o'shanning ham yo'q bo'lishini orzu qiladi.

Oltinchidan, odamlarga yaxshilikni ravo ko'rmaydigan, tabiati buzuk shaxs hasadchi bo'ladi. O'ziga

hech aloqasi bo'lmasa ham birovga ne'mat yetishini ko'rolmaydi. O'z-o'zidan hasad qilaveradi.

Hasad - eng og'ir qalb xastaliklaridan biri. Uni esa faqat ilm va amal bilangina davolash mumkin.

Avvalo, har bir kishi hasad o'zining ruhiyatiga zarar ekanini yaxshi anglab yetmog'i, u hasad qilingan odamning na iymoniga va na dunyosiga zarar yetkaza olmasligini tushunishi kerak. Zero, uning hasadidan dushmani foydalanishi ham mumkin.

Hasadchi o'z hasadi tufayli ich-ichini yeydi, qalbi dard-alamga to'ladi, ammo biror foyda ko'rmaydi.

Ne'mat hasad qilingan odamdan sizning hasadingiz tufayli zavolga uchramaydi. Birovning hasadi tufayli ne'mat tugab qolmaydi, balki hasadingiz sababli mazlum bo'lgani uchun foyda olishi ham turgan gap. Bu dunyoda uning foyda olishi sizning jizg'anak bo'lishingizdandir.

Yuqorida zikr qilingan narsalarning barchasi hasadchi o'ziga o'zi dushman va dushmaniga do'st ekanini ko'rsatadi. Bu xuddi dushmanini qatl qilish uchun tosh otayotgan odamga o'xshaydi. Birinchi toshni otganda dushmaniga tegmay, o'zi qaytadi va o'ng ko'zini ko'ri qiladi. Uning achchig'i yana ham alanga olib, ikkinchi toshni otadi. Ikkinchi toshi ham mo'ljalga tegmay, o'ziga qaytadi va chap ko'zini ham ko'ri qiladi. U g'azab otiga minib, uchinchi toshni otadi. Tosh qaytib kelib, o'zining boshini yoradi. Dushmani esa soppa-sog'i, kulib, uni tomosha qilib turadi.

Ushbularni tafakkur qilgan odamning qalbidagi hasad olovi so'nishi turgan gap.

Hasadni amal bilan davolashga ham urinsa bo'ladi. Buning uchun hasad dardiga muhtalo bo'lgan shaxs hasadi unga qaysi amalni buyuradigan bo'lsa, o'shanning aksini qilishi lozim bo'ladi. Zero, tarixiy kitoblarda yozilganidek, allomalar o'zini g'iybat qilgan shaxs haqida xabar eshitsa, unga hadyalar yuborar edilar.

T.MAMATOV,
Kichik mutaxassislar tayyorlash
markazi katta o'qituvchisi.

2023-yil 16-oktabrda Vazirlar Mahkamasining “Xususiy mulkdorlar buyurtmasi asosida ularning mulklarini soddalashtirilgan tartib va muddatlarida sotish va ijaraga berish bo'yicha savdolarini o'tkazish chora-tadbirlari to'g'risida”gi qarori qabul qilingandi. Qaror bilan “Davlat daromadiga olingan mol-mulklarni soddalashtirilgan auk-sion tamoyillari asosida E-auksion shop elektron savdo do'koni orqali sotish tartibi to'g'risida”gi nizom tasdiqlandi.

Endi mol-mulklar "E – auksion shop" orqali sotiladi

Bunda davlat daromadiga olingan mol-mulk (oziq-ovqat mahsulotlari, avtomototransport, ko'chmas mulk va qonunchilik hujjatlari-da belgilangan boshqa mulkiy huquqlar bundan mustasno) soddalashtirilgan auk-sion tamoyillari asosida "E-auksion shop" elektron savdo do'koni orqali sotiladi.

Xususiy mulkdorlar buyurtmasiga asosan ularning mulklari "E-auksion shop" elektron savdo do'konida narxni oshirib borish tamoyili asosida, e'lon qilingan narxda sotish usullarida sotiladi.

Savdoda ishtirok etish uchun savdo platformasida ro'yxatdan o'tish zarur. Narxni oshirib borish usuli orqali savdolar kamida 2 ta ishtirokchi bo'lganda o'tkaziladi.

Savdolar elektron do'konida xabarnoma e'lon qilingan kundan keyingi ish kuni soat 10:00 da boshlanadi va besh ish kunida, oxirgi ish kuni soat 18:00 ga qadar o'tkaziladi.

Savdolar boshlang'ich narxdan bir savdo qadamiga oshirilgan narxda sotib olish (ijaraga olish) taklifini tasdiqlashni so'rashdan boshlanadi. Agar ishtirokchi savdo vaqti yakunlanishiga 10 daqiqadan kam vaqt qolganda narxni tasdiqlasa, savdo oxirgi taklif tasdiqlangandan keyingi o'n daqiqaga uzaytiriladi. Keyingi har bir taklif savdoni o'tkazish vaqtini o'n daqiqadan uzaytirib boradi. 10 daqiqada ishtirokchilarning birontasi narxni tasdiqlamasa, savdolar yakunlanadi.

Boshlang'ich narx buyurtmachining buyurtmasiga asosan belgilanadi. Savdo birinchi to'rtta qadamda – boshlang'ich narxning 5 foizi miqdorida, beshinchi va undan keyingi qadamlarda – boshlang'ich narxning 3 foizi miqdorida belgilanadi.

"E-auksion shop" elektron savdo do'konida Bojxona servis tashkiloti va Majburiy ijro byurosi tomonidan davlat daromadiga olingan maishiy texnika va boshqa tovarlarni sotib olish imkoniyati mavjud. Do'konida istagan shaxs o'ziga tegishli mulkni bepul savdoga qo'yishi ham mumkin. Bu do'kon E-auksion platformasi bilan hamkorlikda ishlagani sababli 1,7 milliarddan ortiq mijoz bazasiga ega.

Qahramon ESHONQULOV,
“Elektron onlayn-auksionlarni tashkil etish” AJ
violat hududiy vakili.

REKLAMA, E'LOMLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tekzor, samarali va hamyonbop / MUHOJAAT UCHUN TELEFON: 66-233-91-56

KADASTR AGENTLIGI
AXBOROT XIZMATI

22
aprel

YER – BIZNING YAGONA UYIMIZ!

XALQARO yer kuni

Yer muammolariga insoniyatning e'tiborini qaratish maqsadida 1970-yildan boshlab har yili 22-aprel kuni jahondagi barcha mamlakatlarda turli tadbirlar va aksiyalar o'tkaziladi. BMT Bosh Assambleyasi 22-aprel sanasini “Butunjahon yer kuni” deb e'lon qilib, uni nishonlashga qaror qildi.

Yer resurslaridan maqsadli foydalanish, tabiatga ozor bermaslik, uning boyliklaridan va ne'matlaridan oqilona foydalanish, ekologik muvozanatni asrash, jonivorlarga ziyor yetkazmaslik, ifloslantirmaslik, o'z tevarak-atrofimizni pokiza tutish – bu har birimizning qo'limizdan keladigan oddiy va lekin umumiy zamin manfaati uchun g'oyat muhim bo'lgan narsalardir. Bu bizning nafaqat o'zimiz uchun, balki kelgusi avlodlar uchun ham qiladigan eng katta xizmatimiz bo'ladi.

KADASTR AGENTLIGI HAMDA DAVLAT KADASTRLARI PALATASINING SAMARQAND VILOYAT BOSHQARMALARI JAMOASI.

DA'VOLAR BO'LSA...

Samarqand shahar davlat xizmatlari markazidan 2017-yil 5-oktabrda 546619 raqam bilan ro'yxatga olingan “SCHELKOVO AGROHIM-O'ZBEKISTON”

Rossiya-O'zbekiston qo'shma korxonasi (STIR: 305083749) ta'sis-chilarining umumiy yig'ilishi qaroriga asosan o'z tashkiliy-huquqiy shaklini mas'uliyati cheklangan jamiyat shaklidagi “SCHELKOVO AGROHIM-O'ZBEKISTON” Rossiya xorijiy korxonasiga o'zgartiradi. Mas'uliyati cheklangan jamiyat shaklidagi “SCHELKOVO AGROHIM-O'ZBEKISTON” Rossiya xorijiy korxonasi - “SCHELKOVO AGROHIM-O'ZBEKISTON” Rossiya-O'zbekiston qo'shma korxonasining barcha huquq va majburiyatlari bo'yicha huquqiy vorisi hisoblanadi.

Shu munosabat bilan unga bildiriladigan barcha da'volar gazetada e'lon chop etilgach, ikki oy davomida qabul qilinadi.

Manzil: 141109, Samarqand viloyati, Nurobod tumani, Sag'at'on massivi, “Urgut erkin iqtisodiy zonalari” hududi.

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasida marhum Meraliyev Bektosh Rusaddinovichga (2016-yil 26-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Saidova Zarina Xisravovna notarial idorasiga murojaat etishlarini so'raymiz.

Manzil: Samarqand shahri Abdurrahmon Jomiy ko'chasi, 64-uy.

Toyloq tumanida xususiy amaliyot bilan shug'ullanuvchi notarius Hasanov Aloviddin G'iyosiddin o'g'li notarial idorasida marhum Xujayev Isaxon Mursayevichga (2015-yil 16-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Hasanov Aloviddin G'iyosiddin o'g'li notarial idorasiga murojaat etishlarini so'raymiz.

Manzil: Toyloq tumani Toyloq shaharchasi.

Samarqand shahrida xususiy amaliyot bilan shug'ullanuvchi notarius Ismoilova Shahlo Bahriloyevna notarial idorasida marhum Avakyan Svetlana Surenovnaga (2021-yil 1-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Ismoilova Shahlo Bahriloyevna notarial idorasiga murojaat etishlarini so'raymiz.

Manzil: Samarqand shahri Abdurrahmon Jomiy ko'chasi, 17-uy.

Toyloq tumanida xususiy amaliyot bilan shug'ullanuvchi notarius Valixodjayev Farzod Botirovich notarial idorasida marhum Gafurov Nurmaxmad Xurramovichga (2019-yil 6-dekabrda vafot etgan) tegishli

mol-mulk uchun meros ishi ochilmoqda. Shu munosabat bilan merosxo'rlarning Valixodjayev Farzod Botirovich notarial idorasiga murojaat etishlarini so'raymiz.

Manzil: Toyloq tumani Toyloq shaharchasi.

Samarqand tumanida xususiy amaliyot bilan shug'ullanuvchi notarius Shomurodov Anvar Salimovich notarial idorasida marhum Mirboyev Shukurga (1986-yil 28-iyunda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Shomurodov Anvar Salimovich notarial idorasiga murojaat etishlarini so'raymiz.

Manzil: Samarqand tumani O'rtashiq mahallasi.

Payariq tumanida xususiy amaliyot bilan shug'ullanuvchi notarius Toshtemirov Alisher Po'latovich notarial idorasida marhum Abduraxmanova Zaynabga (2016-yil 14-oktabrda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Toshtemirov Alisher Po'latovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Obod ko'chasi, 35-uy, 3-xona.

Samarqand shahrida xususiy amaliyot bilan shug'ullanuvchi notarius Nishonova Umida Ismatilayevna notarial idorasida marhum Abdullayeva Nilufar Bazarbekovnaga (2018-yil 27-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Nishonova Umida Ismatilayevna notarial idorasiga murojaat etishlarini so'raymiz.

Manzil: Samarqand shahri Rudakiy ko'chasi, 132-uy, 2-xona.

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasida marhum Axtamov Marufga (2016-yil 9-aprelda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Saidova Zarina Xisravovna notarial idorasiga murojaat etishlarini so'raymiz.

Manzil: Samarqand shahri Abdurrahmon Jomiy ko'chasi, 64-uy.

Jomboy tumanida xususiy amaliyot bilan shug'ullanuvchi notarius Mirzayeva Barno Jo'raqulovna notarial idorasida marhum Maksumov Fayzi Maksumovichga (1995-yil 12-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Mirzayeva Barno Jo'raqulovna notarial idorasiga murojaat etishlarini so'raymiz.

Manzil: Jomboy tumani Zebuniso ko'chasi, 4-“A” uy.

Samarqand shahrida xususiy amaliyot bilan shug'ullanuvchi notarius Ismoilova Shahlo Bahriloyevna notarial idorasida marhum Karpov Aleksandr Valentinovichga (2023-yil 21-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Ismoilova Shahlo Bahriloyevna notarial idorasiga murojaat etishlarini so'raymiz.

Manzil: Samarqand shahri Abdurrahmon Jomiy ko'chasi, 17-uy.

Samarqand shahrida xususiy amaliyot bilan shug'ullanuvchi notarius Umarov Akmaljon Shavkatovich notarial idorasida marhum Yusupova Xabiba Yusupovnaga (2020-yil 22-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Umarov Akmaljon Shavkatovich notarial idorasiga murojaat etishlarini so'raymiz.

Manzil: Samarqand shahri Abdurrahmon Jomiy ko'chasi, 17-uy.

Samarqand tumanida xususiy amaliyot bilan shug'ullanuvchi notarius Abdullayev Nodir Jamoliddinovich notarial idorasida marhum Mukumov Naimjon Maxmudovichga (2019-yil 23-dekabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Abdullayev Nodir Jamoliddinovich notarial idorasiga murojaat etishlarini so'raymiz.

Manzil: Samarqand tumani U.Samiyev ko'chasi, 1-uy.

Samarqand shahrida xususiy amaliyot bilan shug'ullanuvchi notarius Yusupova Dilsura Hasanovna notarial idorasida marhum Karimov Baxron Xakimovichga (2021-yil 10-aprelda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Dilsura Hasanovna notarial idorasiga murojaat etishlarini so'raymiz.

Manzil: Samarqand shahri Abdurrahmon Jomiy ko'chasi, 64-uy.

Samarqand tumanida xususiy amaliyot bilan shug'ullanuvchi notarius Shomurodov Anvar Salimovich notarial idorasida marhum Sayidova Gulorom Otakulovnaga (2022-yil 9-iyunda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Shomurodov Anvar Salimovich notarial idorasiga murojaat etishlarini so'raymiz.

Manzil: Samarqand tumani O'rtashiq mahallasi.

BEKOR QILINADI
Marhum Ayyazov Yasharga qarashli Samarqand tumani Yangiravot qishlog'ida joylashgan uy-joyning kadastr hujjatlari to'plami yo'qolganligi sababli bekor qilinadi.

Kitob o'qigan boshqacha fikrlaydi

Biz hammamiz bu hayotda o'zimizga munosib insonni qidirib yashaymiz. Mard, fidoyi, halol, pokdomon, rostgo'y, olijanob, bilimli, bir so'z bilan aytganda, mukammal inson qidirib yashaymiz. Shunday insonlar bilan do'st, suhbatdosh bo'lishni istaymiz. Ana shunday kishilarni men ko'pincha muntazam kitob o'qiganlar orasidan topaman. Zero, ajdodlarimiz – Mahmud Koshg'ariy, Ahmad Yugnakiy, Yusuf Xos Hojib, Ahmad Yassaviy, Rabg'uziy, Kaykovus, Navoiy, Jomiy, Fuzuliy va boshqalar o'lmas asarlar yaratib, o'z qarashlarida ilmu ma'rifatni yuksaklarga ko'targanlar. Bu asarlar bizning avlodga mehr-oqibat, odob-axloq, ilmu ma'rifatdan saboq berdi.



Kasb faoliyatim tufayli yoshlarni ko'p kuzataman. Ba'zan ular ruhiyatida salbiy holatlarni ko'rib afsuslansam, ba'zan go'zal, ezgu fazilatlarini ko'rib quvonaman. Go'yoki izlayotgan odamimni topgandek bo'lib ko'nglim taskin topadi. Beixtiyor ana shunday insonlar juda ko'p kitob o'qiganiga amin bo'laman. Uning gaplari, keltirgan iqtiboslari o'tkir, salmoqli g'oyalarni ilgari surishi bunga yaqqol misol bo'ladi. "O'qigan o'zar, o'qimagan to'zar" degan fikr ko'nglimdan o'tadi. Chunki ular tengdoshlaridan bir necha pog'ona yuqori turishadi.

Kuzatishlarim asnosida Bernard Shouning "Eng muhimi – qalbingda tartib o'rnatish. Uchta narsaga amal qilamiz: nolimaymiz, ayblamaymiz, o'zimizni oqlashga urinmaymiz" degan dono fikriga amal qilaman. Chunki yaxshi bilamanki, noligan, ayblagan yoki o'zimizni oqlagan bilan hech narsaga erishib bo'lmaydi. Muhimi, inson o'z qalbidagi tartib o'rnatishidir. O'shandagina uni ishi ham, oilasi ham, hayoti ham to'g'ri va ravon yo'ldan boradi. Men bu gaplarni eng avvalo, o'z-o'zimga aytib yashayman. Chunki bugungi kun ba'zi kibor insonlarga bunday gaplarni gapirsangiz, aqillilik qilyapti deb albatta, ustingizdan kulishadi. Eng yomoni, bugun aqllilar ham, bilimlilar ham pul topish ilinjiga tushib qolishgan. Bu istak shu qadar kuchayib keganki, xatto ba'zan mehr-oqibat, odamgarchilik, qarindoshchilik rishtalariga chek qo'yish darajasigacha yetib bordi. Faqat pul topish, boy bo'lish, mol dunyo orttirish masalasi birinchi o'ringa chiqib qoldi. Men xalqning boy bo'lishini istayman, ular bunga munosib!

Mehnatlari, harakatlari, soddadilligi, samimiyati, mehribonligi, bag'rikengligi, mehmondo'stligi evaziga. Ular yaxshi uylarda, yaxshi sharoitlarda, yaxshi hayotda yashashi kerak. Biroq ma'rifat, ma'naviyat, milliy g'urur va qadriyatlarini o'ldirish evaziga emas. Mol-dunyo orttirish, pul topish deb farzandlar tarbiyasini boy berish evaziga emas. Yoshlar istiqbol uchun davlatimiz juda katta ishlarni amalga oshirayapti. Yangi O'zbekistonning Taraqqiyot strategiyasidagi 100 maqsad, unda ilgari surilgan inson manfaatlariga qo'yaydi, qator qonunlar va qarorlar, yoshlar tarbiyasi, ta'limi, sporti, kitobxonligi, xullas bularni aytib, adog'iga yetib bo'lmaydi.

"Baxtni ishlab chiqarmay turib, iste'mol qilishga haqqimiz yo'q", degan ekan donishmandlardan biri.

Biz bugun ota-onamiz yaratib bergan sharoit, davlatimiz yaratib bergan imkoniyatlardan foydalanyapmiz. Lekin uni qay darajada qadrlayapmiz? Yaratuvchanligimiz, shukrimiz, hurmatimiz qay darajada? Bular hammasi ma'naviyatimiz, ma'rifatimiz darajasi bilan uyg'unlashib ketmaydimi? Bugun yetmish foizimiz shu tariqa yashayotganimiz sir emas-ku?! Buning sababi mohiyatni anglamaslikda emasmi? Mohiyatni anglash uchun esa juda ko'p kitob o'qish kerak.

Ish stolimda men doimo muto'la qiladigan bir dasta kitoblar turibdi. Mirzo Kenjabekning "Yoshlarga dil so'zlarim", Jaloliddin Rumiyning "Ichindagi ichindadir", Alisher Navoiyning "Nasoyim ul-muhabbat", Mirzakalon Ismoilning "Inson husni" yana bir qator sevimli shoirlarimning kitoblari. Qaniydi shu kitoblarni hamma yoshlar o'qisa, degan fikr ko'nglimdan o'tadi. Bizning savodxon bo'lishimiz uchun qancha ajdodlarimiz jonlarini fido qildilar. Ular o'z hisoblaridan maktablar qurib, darsliklar yozib, alal oqibat xalq dushmanini sifatida otildi, osildi, Sibrga surgun qilindi. Xalqim, avlodlarim ongli, tafakkurli, saviyali bo'lsin degan orzu bilan o'z hayotlaridan kechdi ular. Bunga javoban bugun bizning zimmamizda javobgarlik hissi, qarzdorlik hissi, mas'uliyat hissi qay darajada? Alisher Navoiyning "Nasoyim ul-muhabbat" asaridagi bir hikoyatni Olimjon Davlatov nasriy bayon etgan.

"Ato Binni Sulaymon bemor edi. Quyosh tig'ida yotgandi.

Dedilar:
- Nega soyaga borib yotmaysan?

Dedi:

- Soyaga borardim, ammo qo'rqa-manki, degaylar, nafs istagida qadam qo'yding!

Shukurkim, bugun yurtimiz obod, dasturxonimiz to'kin, hashamatli uy-joylarimiz bor. Lekin biz nafsimizning quli! Nega? Axir biz o'qimay qo'ydik. Shunda Ato Binni Sulaymonning nafs yodimga tushib, unga ta'zim qilgim keladi.

Kitobdagi barcha hikoyat va hidoyatlarni titrab o'qiyman. Shukronalar qilaman. Bugun ba'zi birovlar onasi borligini ham unutib qo'ygan bir paytda juda kerak asar bu, deymen! "Yomon bitta bo'lsa ham ko'p. Yaxshi mingta bo'lsa ham kam" degan maqolni esga olaman. Alloh har birimizni ma'rifatga oshno qilsin! Mening bor boyligim kitoblarni, degim keladi. Men kitobdan o'rgan-dim Vatani, inson, hayot, ota-ona, ilm, vaqt, umrning qadri va mazmunini. Kitob nafaqat yaxshi do'st, hamroh, balki eng buyuk muallimdir!

- Vatani tuyg'usi yoki an'ana va qadriyatlarimiz haqida nima deya olasiz? Yigirmaga yaqin talabalar orasidan bor-yo'gi ikki kishi fikrini ifoda eta oladi.

Birinchi talaba:

- "Vatan - bu kindik qoni to'kilgan joy. Ota makon, ona yurt!.. Tuyg'u - bu yurakdagi Vatanga nisbatan bo'lgan ezgu tushunchalar. Mehr-muhabbat, hurmat, sadoqat kabi eng go'zal tushunchalarning tug'yonidir".

Qisqa lekin jonli fikr.

Ikkinchi talaba:
- An'ana va qadriyatlar o'tmishdan bizgacha bo'lgan, bizdan so'ng ham insonlar saqlab, davom ettirib, ommalashtirib boraveradigan udumlarimiz. Rasm-rusumlarimiz. Ular yillar davomida qadriyatga aylana-di. Xalqimiz ularni eslab, takrorlab, qadrlab yashaydi.

To'g'ri, juda chiroyli ifoda! Men boshqalarga ham shu savol bilan murojaat qilaman. Hamma jim. Yana shu ikki talabaga yuzlanaman. Qanday qilib fikrni bunday ifoda qilish uslubiga erishgansiz?

- Men juda ko'p kitob o'qiganman, - deydi birinchi talaba.

- Men ham, - deydi ikkinchisi. Suhbat va savol-javobimiz kitob va kitobxonlik o'ld voqealar bilan bog'lanib ketadi. Demak, kitob o'qish, bilim olish va yoki hamma narsani bilish uchungina emas, balki fikrni ifoda etishni o'rganish uchun ham kerakli asosiy vosita hisoblanarkan. Bejiz donolarimiz: "Kitob mangu xazinadir", deyishmagan.

Hamma zamonlarda kitob, kitobxonlik masalasi yuksak o'rin tutgan. Bundan keyin ham shunday bo'ladi. Zotan, baxtga erishmoq uchun ma'nolar xazinasiining kaliti - KITOBni sevmok juda muhimdir!

Jumagul SUVONOVA,
O'zbekiston Yozuvchilar uyushmasi a'zosi,
filologiya fanlari nomzodi.

Mulohaza uchun mavzu

- Hay, juvan-marg, qayt orqang-ga, - deya qichqirdi Apipa checha yugurib ketayotgan o'g'liga qarab. - Plyajga tushib ketsang, o'lasan ajalingdan besh kun burun!

Apipa checha "plyaj" deganda sal naridagi buloqlardan paydo bo'lgan katta tabiiy ko'lni nazarda tutdi. Bu ko'lining chekkasida yoz paytlari cho'milardik. Faqat o'rtarog'iga ketib qolmasligimiz uchun katta opa-akalarimiz bizni nazorat qilishardi. Suzishni bilmagan odam cho'kib ketishi tayin edi. Sababi, bu ko'lining eng chuqur joyi 5 metrni tashkil qilardi. Yillar davomida ehtiyotsizligi tufali o'nlab bolalar, hatto kattalar ham cho'kib o'lgan. Shuning uchun ham Apipa checha joni boricha chinqirardi. Bu chinqiriqdan keyin ham qaytmasa, u bola onasidan tayoq yeb, momosini ko'radi.

- Bolani munday qarg'ama-ey, Api-pa! - dedi Uldon momo.

- Xola, bu quloqsizga baqirmasam, eshitmamishga olib ketib qoladi.

- Baqir, lekin "juvanmarg" deb qarg'ama, deyapman, - ovozi balarandlatdi momo ham sal jahli chiqib.

- O'zingizni sipoyi ko'rsatmang, Uldon xola, - dedi labini burib Apipa checha. - Bu qarg'ish qishlog'imizda modaku. Yakka-yu yagona Nusrat ulariz bilan birga katta

Bola edik. Qishlog'imizda har bahorda soy bo'yidagi katta bir maydonda "Yilboshi" tadbiri o'tkazilardi. Bu ko'klam avvalida cho'pon saylash, qishloq qabristonini obodonlashtirish, ko'chalar va ariqlarni tozalash uchun yoshu qari maslahatlashib oladigan tadbir edi. Bir tarafda erkaklar uchun, ikkinchi tomonda esa ayollar uchun bo'z ustiga ko'rpachalar to'shalib, dasturxon yozilardi. Har kim topganini olib borib, dasturxonga tortardi. Biz bola emasmizmi, qornimiz to'ysa bo'ldi edi. Quvlash-machiq, yashinmachiq, chillak yoki lanka o'ynamoqqa shoshardik. Kattalarning maslahati qiziqtirmasdi.

Farzandingizni qarg'amang!

bo'ganman, esingizdan chiqdimi? Sizam shuytib qarg'ardingiz, ko'p eshitganman. - Bekarlarning beshtasini aytibsan, - dedi yanada ovozi balarandlatib Uldon momo. - Farzandim yagona bo'gani uchunam "o'l" deb qarg'amaganman.

- Yo'q, Uldon opa, sizam "juvanmarg" deb qarg'ardingiz Nusratjonni bolaligida, - deya suhbatga qo'shildi yana yoshi kattaroq bir qo'shni ayol Apipa chechaning yonini olib. Uldon momo qishloqning kayvonisi edi. Uning aytganini hamma qilardi. Eski maktabda o'qish-yozish, qo'shish-ayirishnigina o'rgan-gan bo'lsa-da, juda bilimli va farosatli edi. O'zining aytishicha, bunday bo'lishiga sabab ko'p kitoblar o'qiganligi ekan. O'sha ayol yakka-yagona o'g'lini oliy ma'lumotli ham qilgan. Nusrat muallim ham nafaqat qishloqda, balki tumanda o'z o'rniga ega olijanob inson edi. Uning yurish turishiga, muomalasiga, saxovat-peshaligiga ko'pchilik havas qilardi.

- To'g'ri, ulimni erkalatib katta qimadim, - dedi biroq past ohangda Uldon momo va yana ovozi balarandlatib, so'zlarini dona-dona qilib gapida davom etdi. - Hamrang eshitib qo'y, ulimni qarg'agandirman, lekin "juvanmarg" debmas. "Juvonmard bo'lgur" deb urish-ganman. Bu ikki so'z bir-biridan osmon bilan yercha farq qiladi. "Juvonmarg" so'zi yosh o'lib ket, yer yutgur, degan ma'nolarni beradi, "Juvonmard" esa olijanob, mard, botir degani.

Barcha ayollar jimgina bir-biriga ajablanib qarab, boshlarini qimirlatib qo'ydida, momoga tan berganini bildirdi. Apipa checha ham shu paytgacha bu so'zning ma'nosini bilmasligini aytib, momodan uzr so'radi. Bundan keyin ma'nisini chaqmay bir so'z demaslikka va'da berdi. Qulog'i og'irroq bir momo yonidagi yoshroq ayol Marvarid yangaga qarab es-

hitmadim, deganday ishora qildi. Marvarid yanga momoning qulog'iga yaqinroq borib, nimalar deyilganini qishloq shevasida tushuntirib qo'ydi:

- Bollarimizni "juvanmarg" deb qarg'amasligimiz kerak ekan, "ertaroq o'lib ket, jer jutsin", degani ekan. Urishsagam "juvanmard bo'gur" deyishimiz kerak ekan. Bu - kat-ta odam bo', pahlavon bo'li, degani emish.

- Ha-da, - dedi birinchi bor suhbatga qo'shilayotgan qulog'i og'ir momo baland ovozd. - Ota bilan enaning qarg'ishiyam, duosiyam o'tadi. Bollaringga "o'l" demanglar. Qarg'agilaring kesa, "juvonmard bo'gur, olim bo'gur, qurib ketmagur, o'lma-gur", denglar!

Shu-shu qishloqda ayollar bolasini "juvanmarg" deb qarg'amaydigan bo'ldi. Bu kabi qarg'ishlar "moda"dan qolgan bo'lsa-da, yillar o'tib, uning o'rniga yangilari chiqqani achinarlidir. Bugungi kunda ayollarimizga to'g'ri maslahat beradigan Uldon momodek kayvonilarni topish va yomon qarg'ish eshitmay katta bo'lgan, Nusrat muallimdek o'z kasbini sevadigan ustozlarni misol keltirish qiyin. Maslahat berilgandayam uni to'g'ri qabul qiladiganlar kam.

Yaqinda qishloqning katta serqatnov ko'chasida bir ayolning baqirgancha o'g'lining ortidan yugurib, hovlisiga kirib ketayotganiga guvoh bo'ldim. U o'z farzandiga qarata "o'l bu kuningdan, "padaringga la'natning bolasi" va shu kabi yozishga qo'l, aytishga til bor-maydigan so'kinish va qarg'ishlarni qalashtirib tashlayotgandi. Yonidan o'tib ketayotgan bir amaki, "hoy kelin"lab qoldi. Ayol e'tibor ham bermay, hovlisiga kirib, temir darchasini qar-sillatib yopdi. Shu payt Apipa checha va Uldon momo esimga tushdi.

To'lqin SIDDIQOV.

Turmush chorahalarida



pul topaman deb allaqayerlarga uloqib ketmaydi. Otasi tirikligida hafta-o'n kunda kelib turardi. Toji momo nevaralarimning oldiga quruq bormasin, deb qand-qurs tugib berardi. Otasining ma'rakalari o'tgach, qadami uzildi. Ishqilib boshi omon bo'lsin, ko'zi ochiqligida diydoriga to'yib ketsa, armoni yo'q. Toji momo shu xayollar bilan o'ziga taskin beradi.

Salim qo'shni qishloqda paxsa urayotgan edi. Hakimjon qo'ng'iroq qilib qoldi.

- Aka, qayerdasiz, qo'ng'iroq ham qilmaysiz, qo'ng'iroqqa javob ham bermaysiz.
- Ish ko'p. Ha, nima gap? - ensasi qotdi Salimning.
- Onam yuragi xuruj qilib, kasalxonada yotibdi, tuni bilan mijja qoqmasdan sizni so'rab chiqdi. Kel-masangiz bo'lmaydi.

- Ahvoli yaxshimi?
- Og'ir tong, - sahar xushidan ketdi.
- Bo'pti, boraman! - Salim norozi to'ng'illab, telefonni o'chirdi. "Yana ishim chala qoladigan bo'ldi-da, zo'rg'a topuvdim. Tuproq yaxshi chiqmay, muddati o'tib boryapti...".

Salim yetib borganida onasi hushsiz yotar, Hakimjon qo'ldi piyola, dokani ho'llab, og'ziga suv tomizib turardi. Ko'zlari yumuq, rangi bo'zdek oqarib ketgan behush onasini ko'rib, yuragi ezildi.

Baribir farzand-da qalbining allaqayerida mudroq bosgan o'g'illik tuyg'usi uyg'ongandi.

- Do'xtirlar nima deyishyapti?
- Qo'llaridan kelgancha qarashyapti, yolg'iz qoldirmag deyishdi, - Hakimjonning ko'zlari yosh-lanib, yig'lamsiradi.

- Mana bu pulni ol, dori-darmonga ishlatsan, nasib bo'lsa, o'ziga kelib qolar. Sen ko'z-quloq bo'lib tur, men chala ishimni bitirib kelaman.

Hakimjon pulni olmadi.

- Pulim bor, aka, oqshom yonimda qolsangiz bo'lardi. Onam hushiga kelib, sizni ko'rsa quvonar-di. Kech bo'lib qoldi, baribir tunda ishlamaysiz-ku!

Salim onasiga termildi: "Ishqilib sog'ayib ket-sin-da".

- Bo'pti uka, bormasam bo'lmaydi. Ertalab xabar olaman! - Salim xo'rsinib, Hakimjonni yelkasiga urib qo'ydi.

Ertalab onasi jon berganini eshitib, halloslab dafn marosimiga zo'rg'a yetib keldi.

- Akajon, onamdan ayrilib qoldik! - Hakim-jon ho'ngrab, uni quchoqladi. - Aka, akajon, endi onamsiz nima qilamiz?
Salim ko'ng'li vayron bo'lib, ich-ichidan o'zini koyidi: "Sen ham farzandmisan, bunchalar toshbag'ir bo'lmasang, onazor seni qanchalik yaxshi ko'rardi. Boshi yostiqa tekkanida og'ziga bir tomchi suv tomizishga yaramading, diydoringni bir ko'rishga zor bo'lib ketdi-ya! Nobakor o'g'lingizni kechiring, onajon, kechiring".

Ammo endi Salimning tavba-tazarrusini eshita-digan ham, kechiradigan ham volida-yu tabarrugi yo'q edi. Ukasini bag'riga bosib, yelkalari silkinib, o'ngsiz o'ksib-o'ksib yig'ildi.

- Saloti janoza! Saloti janoza! - Oqsoqolning ovozi o'ziga kelgan Salim tobut yonida janoza o'qishga taraddudlangan imom ortidagi qatorga o'tdi.

Tag'aymurod SHOMURODOV.

SHU OYDA
TAVALLUD
TOPGANLAR

21-APREL

Xudoyberdi DONIYOROV – (1927-1991) Sirdaryo viloyatida tug'ilgan. Filologiya fanlari doktori, O'zbekistonda xizmat ko'rsatgan xalq ta'limi xodimi.

Mirzoqul ISMOILOV – (1958-2020) Payariq tumanida tug'ilgan. Qishloq xo'jalik fanlari doktori.

22-APREL

Ismoil BOBOQULOV - 1963-yilda Nurobod tumanida tug'ilgan. Filologiya fanlari doktori, professor.

Nusratulla XIDIROV – (1953-2012) Paxtach tumanida tug'ilgan O'zbekiston Respublikasi xalq o'qituvchisi.

MUASSIS: Samarqand viloyati hokimligi

Bosh muharrir: Farmon TOSHEV

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 12 676 nusxada chop etildi. Buyurtma 208. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, REKLAMA VA E'LONLAR: (66) 233-91-56

BO'LIMLAR: (66) 233-91-57, 233-91-58, 233-91-59, 233-91-61

DANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ bosmaxonasida chop etildi.
Korxona manzili: Samarqand shahri, Spitamen ko'chasi, 270-uy.

Bosishga topshirish vaqti:
soat 18:30 da.
Bosishga topshirildi:
soat 19:00

Navbatchi muharrir:

G'.HASANOV.

Navbatchi:

D.TO'XTAYEV.


Sahifalovchi:

B.ABDULLAYEV.



Saytimizga o'tish uchun QR-kodni telefoningiz orqali skaner qiling

ISSN-201667X



Sotuvda
narxi kelishilgan holda

